

Vajlugkub rau Menyuam Yaus
Nthuav tawm los

Thawj lub
Koobtsheej Yexus
Sawv Los



Sau los ntawm: Edward Hughes

Kos los ntawm: Janie Forest
Alastair Paterson

Kho los ntawm: Lyn Doerksen

Txhais los ntawm: www.christian-translation.com

Tsim los ntawm: Bible for Children
www.M1914.org

©2020 Bible for Children, Inc.

Ntawv tso cai: Koj muaj cai luam ntxiv lossis luam zaj dabneeg
no tawm tsuas yog koj tsis luam muag nyiaj xwb.



Ib tus pojniam sawv
ntawm lub roob uas
nrov ntshoo nrooj,
nws ob lub qhov muag
ntsia yam tsis txaus
ntseeg. Nws tus tub
tabtom yuav tuag.

Leejnam yog Malis
thiab nws sawv ze
ntawm thaj chaw
Yexus raug ntsia
rau saum ntoo
khaublig.





Tej xwm txheej nov
tshwm tau li cas? Yog
vim li cas Yexus uas muaj
lubneej zoo heev yuav
mus xaus phem
ua luaj li? Vim
li cas Vajtswv
tso nws leejtub
raug ntsia saum ntoo
khaub lig thiab cia kom
tuag saud? Puas yog
Yexus xav yuam kev tias
nws yog leej twg? Puas
yog Vajtswv
swb lawm?





Tsis yog! Vajtswv tsis tau swb. Yexus tsis tau xav yuam kev. Yexus yeej ib txwm paub tias cov neeg phem yuav muab nws tua. Txawm thaum uas nws tseem yog menyuam yaus, ib tus txivneej laus twb qhia Malis txog txoj kev Iwjsiab nyob tom ntej lawm.



Ob peb hnub ua ntej
Yexus raug tua, muaj
ib tus pojniam nqa ib
co roj tsw qab tuaj
nchuav rau Yexus ko
taw. "Nws nkim nyiaj ua
luaj," cov thwjtum yws. "Nws ua
tau zoo heev," Yexus hais. "Nws ua pub
rau hnub log kuv." Cov lus no txawv ua luaj!



Tomqab no, Yudas, ib tus
ntawm Yexus kaum ob tus
thwjtim, ntxeev siab rau
Yesus nrog cov povthawj
hlob muab Nws muag 30
lub npib nyiaj.






Tomqab cov neeg Yudas ua kev cai hla dhau lawm, Yexus nrog nws cov thwjtum noj ib pluas mov kawg ua ke. Nws qhia ntau yam zoo txog Vajtsvv rau lawv paub thiab txog Vajtsvv tej lus cog rau cov hlub Nws. Ces Yexus txawm muab ncuav mov thiab ib khob cawv los faib rau lawv noj. Nov ua lub cim qhia rau lawv paub tias Yexus lub cev thiab cov ntshav tau muab los txheej kev zam txim txhaum.



Ces Yexus hais rau nws cov phoojywg tias Nws yuav raug ntxeev siab thiab lawv yuav kхиav ntawm nws mus. "Kuv yeej tsis kхиav," Petus hais khov kho. "Ua ntej qaib qua, koj yuav tsis lees paub Kuv peb zaug," Yexus hais.





Hmo ntawv, Yexus
mus thov Vajtsvv
hauv lub vaj
Kexemanes. Cov
thwjtim uas nrog nws
tsaug zog tag. "Aub
Kuv Txiv," Yexus
thov, "...Cia lub khob
nov dhau Kuv mus.
Txawm li cas los, tsis
txhob ua li kuv
ntshaw, tiamsis ua li
koj ntshaw."



Tamsim ntawv, ib pab neeg coob taug
kev tuaj ntawm lub vaj, Yudas ua tus coj.
Yexus tsis tawm tsam tiamsis Petus txiav
kiag ib tus lub pob ntseg. Yexus ncav
twjywm mus kov tus txivneej
ntawv lub pob ntseg thiab
kho nws zoo. Yexus paub
tias Nws raug ntes raws
li Vajtswv pom zoo.




Pab neeg ntawv coj Yexus mus rau tus tuam povthawj hlob lub tsev. Nyob rau tod, cov Yudas cov thawj coj haitias Yexus tsim nyog tuag. Nyob ze ntawv, Petus sawv ze ntawm cov tub txib lub ntug cub ntsia lawv.



Peb zaug uas tibneeg ntsia Petus thiab haitias, "Koj nrog Yexus sav!" Peb zaug uas Petus tsis lees, li uas Yexus twb hais rau nws lawm. Petus tseem twv ntuj thiab kom foom tsis zoo rau nws.




Qaib qua



Tamsim ntawv, qaib qua
kiag. Zoo li yog Vajtsuv
lub suab hu Petus.

Petus nco txog Yexus
cov lus, Petus quaj tu
siab kawg nkaus li.





Yudas tu siab kawg thiab.
Nws paub Yexus tsis muaj
kev txhaum los kev phem
kiag li. Yudas thim 30
npib nyiaj rov qab, tiamsis
tus tuam povthawj
tsis txais.





Yudas muab cov
nyiaj pov tseg, tawm
mus - thiab mus dai
nws tus kheej.






Cov tuam povthawj coj Yexus mus
rau Philaj, tus tswv xeev uas yog
neeg Loos. Philaj haitias, "Kuv tsis
pom tus txiv neej no ua txhaum
dabtsi." Tiamsis pab
neeg pheej quaj qw
tias, "Muab nws ntsia
saum ntoo khaublig!
Muab nws ntsia saum


ntoo khaublig!"



Thaum kawg Philaj ua tsis tau li cas,
ces nws txawm txiam txim muab
Yexus ntsia rau saum ntoo khaublig.
Cov tubrog muab Yexus ntaus, nti
aub ncaug rau Nws ntsej muag, thiab
nplawm Nws. Lawv muab pos los ua
lub kaus mom nias rau Yexus ntoo
saum nws to hau. Ces lawv muab
Nws ntsia rau saum ib tus ntoo
khaublig kom tuag.



Yexus ib txwm paub nws yuav tuag li ntawv. Nws yeej paub tias Nws txoj kev tuag thiaj yuav zam tau cov neeg txhaum uas tso siab rau Nws. Muaj ob tus tub sab raug ntsia nrog Yexus. Ib tus ntseeg Yexus - thiab tau mus ntuj ceejtsheej. Ib tus tsis tau mus.



Tom qab ntau teev uas raug kev
tsim txom, Yexus haitias, "Tiav
lawm lau," thiab tuag lawm.
Nws tej dejnum tiav log
lawm. Tej phoojywg
coj Nws lub cev mus
faus rau hauv ib
lub qhov zeb.




Cov tub rog Loos
leem lub cim rau
thiab zov lub qhov
zeb. Tsis muaj
leejtwg mus tau
rau hauv - lossis
tawm los.



Yog zaj no xaus li no xwb,
ntshe yuav txaus tu siab
heev. Tiamsis Vajtsvv
ua qee yam tshwj xeeb
heev. Yexus tsis
yog tuag ces
tag li ntawd!



Thawj hnub limtiam yav sawv
ntxov, Yexus qee tus thwjtum
pom lub pob zeb log lub
qhov zeb raug dov tawm
lawm. Lawv mus
saib hauv, ua ciav
Yexus ploj lawm.



Ib tus pojniam nyob ze ntawv quaj
quaj. Yexus tshwm rau nws pom.
Nws dhia zoo siab hlo rov los
qhia lwm tus thwjtum. "YEXUS
TSEEM MUAJ SIA NYOB!
YEXUS SAWV HAUV
QHOVTUAG ROV LOS
LAWM!"



Tomqab Yexus los tshwm rau nws cov
thwjtim thiab muab Nws tej qhov ntsia hlau
rau lawv saib. Muaj tseeb li ntawv. YEXUS
ROV MUAJ SIA DUA LAW M! Nws zam
txim rau Petus uas tsis lees Nws, thiab kom
nws cov thwjtim qhia txhua leejneeg txog
Nws. Ces Nws rov qab mus saum ntuj qhov
chaw uas nws nqis los lawm.



Thawj lub Koobtsheej Yexus Sawv Los

Ib zaj dabneeg los ntawm Vajtswv cov lus,
Phau Vajlugkub,

tau pom nyob hauv

Mathais 26-28, Lukas 22-24,
Yauhas 12-21

"Koj tej lus qhia ua qhov kaj rau kuv pom kev."
Phau Ntawv Nkauj 119:130





Qhov Kawg



Zaj hauv phau Vajlugkub no qhia peb
txog peb tus Vajtsvw uas zoo kawg nkaus. Tus uas
tsim peb tibneeg thiab tus uas xav kom peb paub txog Nws.

Vajtsvw paub haitias peb tau ua tej yam tsis zoo uas Nws muab hu ua kev txhaum. Txoj kev them txim txhaum yog kev tuag, tiamsis Vajtsvw hlub koj heev Nws thiaj li xa Nws tib leejtub, Yexus, los tuag rau saum tus ntoo khaub lig kom them tau koj lub txim txhaum. Tswv Yesus tau ciaj sawv rov qab los thiab rov mus pem ntuj ceebtsheej lawm! Yog koj ntseeg txog Yesus thiab thov kom Nws zam koj lub txim txhaum, ces Nws yuav zam pub rau koj! Nws yuav los nyob hauv koj, thiab koj yuav nyob hauv Nws mus ib txhiab ib txhis.

Yog koj ntseeg tias nov yog qhov tseeb, ces hais zaj lus no rau Vajtsvw: Tus Tswv Yesus, kuv ntseeg tias Koj yog Vajtsvw thiab koj tau yug los ua neeg kom tau tuag theej kuv lub txim txhaum, thiab ziag no koj twb rov muaj sia lawm. Thov los nyob rau hauv kuv lubneej thiab zam lub txim txhaum pub rau kuv kom kuv tau muaj lubneej tshiab thiab kom ib hnub twg kuv tau nrog Koj nyob ua kev mus ib txhiab ib txhis. Thov pab kom kuv coj haum Koj siab thiab kom kuv txawj nyob pub rau
Koj li yog Koj tus menyuam. Amen.

Nyeem Vajlugkub thiab/kom tau nrog Vajtsvw
sib tham txhua hnub! Yauhas 3:16

